



Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 9. Eucharistiæ desiderio monstrosa virgo sanata.

[urn:nbn:de:hbz:466:1-51168](https://nbn-resolving.de/urn:nbn:de:hbz:466:1-51168)

Sursum 28. modum etiam Faro Meldensis Episcopus
 Octob. populum curata cæcitate ad fidem forma-
 uit. Cum enim sacro chrismate promiscua
 plebs confirmaret, adductus est, inter-
 confertam multitudinem, etiam cæcus
 puer, quām primum chrismate vñctus est,
 lumen cæli, quod nunquam antea vide-
 rat, iucundissimè aspergit. Itaque geminum
 ex hoc sacramento fructum reportauit, in
 animo gratiam, in oculo sanitatem. Quod
 signum cum in nostrum documentum fa-
 ctum sit, mirum est, tam multos usque in
 seram ætatem differre huius doni suscep-
 tionem; immò aliquos tam infrequentes
 id conferre.

§. IX.

*Eucharistie desiderio monstrosa virgo
 sanata.*

Plura, ex huiusmodi corporum defor-
 mitate, aut vitijs, commoda prouenisse,
 etiam in SS. Eucharistiæ laudes, ostendunt
 qui peruigiles libros luctubrauerunt. Inter-
 quos Ioannes Nider piis pariter & peren-
 ditus scriptor refert, paulo priùs, quām
 Coloniam missus esset, ad litteras addis-
 das, fuisse inibi, intra ciuitatem, duas in-
 signes virgines, eadem matre & mente na-

Ioan. Ni-
 der.lib. 2.
 Formica-
 rij c. 7.

tas, vnanimes, in vna eademque domo de-
gentes, & sponso Christo virginitatē con-
sefrantes; contentas victum tenuem ma-
nuum labore quæritare. Ita ad incuriam
vſq; corporis grassatur cura castitatis. Sed
præ omnibus epulis illis erat suave epulum
Eucharistiae. Harum vnam, cælestis spon-
sus primore aspectu, duriter, postea tamen
amabili euentu probanit. Cùm enim diui-
ni pabuli desiderio ingenti teneretur, at-
que ad id etiam magna animi pietate sole-
ret accedere, tanquam indigna repulsa est,
in hunc modum. In morbū cecidit, eumq;
ita grauem, ac tantopere inualescentem, vt
neruis, quibus labia & mandibulæ solent
moueri, se contrahentibus, etiam adhibito
totius corporis conatu, os diducere ad ci-
bum sumendum non posset. Enim uero ea
erat contracti oris vis ac pertinacia, vt la-
bia, etiam liquido iuscule sumendo vel
vix, vel etiam penitus, cochleari, aut ar-
genteo instrumento non possent aperiri.
Adeò mandibula superior inferiori tena-
citer cohærebat, vt concreuisse viderentur.
Erat itaque non mirabilis duntaxat, sed
etiam miserabilis virginis huius aspectus.
Siquidem arctissima conducti oris com-

Aa 4

pressio

pressio trucem, & dira minantem vultum efficiebat. In hunc modum affectam virginem non tam sollicitabat cibi sumendi cupiditas, quam timor, ne sacratissimum Christi viaticū omittere cogeretur. Cuius sumendi desiderium tanto amplius crescebat, quanto se videbat morti vicinorem, quantoque credebat, illud magis necessarium ingressuræ iter æternitatis. Negabant omnes, qui eam aspicerant, fieri posse, ut sacramentum hunc panem sumeret, quæ etiam coctæ gallinæ liquorem sorbere nequibat. Ut tamen fatis fieret tam ardenter cupienti cuiuscumodi posset, vocatus est sacerdos, qui ei de peccatis confessæ, venerabile sacramentum sub oculos exhiberet adorandum; ut, quod re ipsa atque ore sumere non poterat, saltem fide, desiderioque manducaret. Adfuit mysta, qui postquam eam à peccatis absoluit, dominicum quoque corpus, ab ea venerandum, manu dextera eleuauit. Mira vis, & eximia virtus Eucharistiæ! statim ut eā Sponsa Christi conspexit, præter omnem spem & opinionem, animaduertit sibi vires rediisse in corpus, internoque animæ instinctu impulsa, osteserauit, accepitque in omniū oculis, quæ tantis

tantis votis desiderauit. Quod miraculū omnes inflammauit præsentes ad illum laudibus extollendum, qui non solum mutorum ora soluit in loquela, sed etiam labia aperuit, ad cælestem cibum capiendum.

§. X.

Virgo castitatis amore deuenustata.

Matrimonij Sacramentum venerabile est, ideoque & ipsum paulo prius ostendimus illustratum, per mœchæ monstrosum faciem, pœnitentiamque, formâ iterum in integrum restitutâ. Quia tamen voluntariae virginitatis status perfectior, Deoque acceptior est, ideo Deus multos voluit potius esse non pulchros, quam non castos; quin & ipsi nonnulli pij sanctique homines deformes fieri maluerunt, ut virginies permanerent. Soror Angela de Trinitate, Carmelitana, filia Mareschalli de Erisach, cum ob formâ aliaq; naturæ dona a magnis proceribus in matrimonium expeteretur, faciem aqua imbutam soli exposuit, ut decus forma deperiret, & procorum oculis minus arideret. In conuictu etiam nobilium fatuam se tardamq; simulauit, proposito suo nulli, quam sibi perspecto. O quam sapiens fuit hæc stulta

Paulus de
Barrij in
solitud.
Hagio.
philæ. 5:
die me-
dit. 2. dis-
sert. pa-
merid.

A a 5 titia